

## Mēška gierībēs

Mūsa mēšks tuoks baguots,  
Pēlns vēsuokuu gierībiu.  
Vuovērelē grība kuota  
Neš padžiautē ont karklīna.

Bieg ē vākā so kiuocelēs  
Grību rinktē a ougieliu –  
Ē vaivuoru, ē mielieniu,  
Ē skaniūju avietieliu.

Vuo kēik baravīku,  
Stuorakuotiu, pasēpūtusiu –  
Mitrē gruobk ož galva roda  
Ē žvalgīkēs, kor dā bus!..

Rauduonikis pasēstēipēs  
Galva kel rauduona, švēisē,  
Vuo sliduokā ē gaidelē  
Samaneliem apsētaisē.

Tik nejmēt mosmēriū  
Baltās taškelēs, rauduonū!..  
Sosoks tau i groužta pēlva,  
Patalelie liksi ēlgā.